

REPUBLIC OF KIRIBATI



s21, 37(3) Disaster Risk Management and Climate Change Act 2019

s2, 16, 18, 19, 20 Public Health Infectious Disease Regulation

LOCKDOWN ORDER

Ngai, **Te Beretitenti, Taneti Maamau**, iaan mwakau are I a tia n anganaki man te tua ae Disaster Risk Management and Climate Change Act ao Public Health Infectious Disease Regulation ao I kanakoa te tua aio ibukin waaki ake a riai ni iraki karaoaia iaon Tarawa Teinainano, Betio ni ikotaki ma Buota ni kaineiti ma Alert Level 3 n aron aikai:-

1. Kainan te nakonako inanon 24 te aoa
2. Ana tabo ni mwakuri ma ana kambwana te Tautaeke ana bane n in ao ni waaki ni mwakuri man mwengaia, ma a na bon tii uki taabo ake a rangi ni kainanoaki ibukia te botannaomata ma a na ira naba nanon ana kainibaire te MHMS, taabo aikai bon:
 - Te On Aoraki
 - Te Ikotaki ni Bureitiman
 - Te Bangke
 - Te KPA
 - KOIL ao taabo ni bwaa ao gas stations
 - Bitineti ake a kaboonaokoi amwarake ma moo n ikotaki ma KCDL ibukin kanaia maan
 - Aobitin Kaneweaba, Bitineti, Karaobwai ao Boboti

- Vodafone ao Oceanlink
- Aobitin te Mwane ma Customs
- Bootaki ni Kanakobwana ao Karekerongorongo
- PUB
- Aobitin Tauan Kanoan Boong
- Aobitin Kamweengaraoi ibukiia Aine ma Ataei
- Botaki ni Mwakuri ibukin Rongorongo, Reitaki ao Mwamwanga.
- Bao ni mwamwananga i taari ao kibakiba
- Te Red Cross
- Te KFHA
- Kiribati Fish Limited (KFL)
- Central Pacific Producers Limited (CPPL)

Bitiniti ibukin rabwan kaa ma rebwerebwe ao bwain kateitei

3. Ao tabeua riki rabwata ake e bon noori riaina te Tautaeka bwa a na riai n uki n tain naba te kainiin ae imwaaira aei, ma ana riai moa ni karekea ana kariaia ana Aobiti te Beretitenti.

4. Bitineti n aroia wholesalers ao fitoa (retailers) ake a kabonakoi amwarake ao bwainaoraki a na teimatoa n uki ibukin te botanaomata. A na riai naba n taraia bwa e iraki nanon te tau raroa ae 2 mita, rabunan te ubu ao kainibaire riki tabeua man te MHMS inanon ao ifinanikun aia fitoa n taai nako.

5. Aomata nikabane a na riai n fiku iaan mwengaia ao n aki nakonako – ana bon tii kona n nakonako ibukin karekean kainano aika riai n aron kabooan te

amwarake, te bwaa, te kava, te te karatiin ake a na riai ni katiiai man 6am n te ingaabong nakon 2pm n te bwakantaai. A kantaningaki aomata nako bwa a na ira nanon te kainibaire iaon te tau raroa ae 2 mita, kabonganaan rabunan te ubu ao tabeua riki man MHMS.

6. Kam kaungaaki bwa kam na bon boobwai n ami aono ke ami kaawa ngkana arona bwa a reke ami bwai iai man te aoa 6 n te ingabong nakon 2 n te bwakantaai. Ibukin kawaran kaawa riki tabeua ao e na kainakoaki te kariaia man ana Aobiti te Beretitenti.

7. Te akawa n tain te bobwai n are imarenan te aoa 6 n te ingabong nakon 2 n te bwakantaai e uki ma bon tia man taan karaun ke taan akawa iaon te booti ae a kariaiakaki. E taburoroko bwa ana aerake n abamakoro riki tabeua ma bon ti te tabo are a mwananga mai iai.

8. E naki buti bao ni mamangana.

9. Taabo ni moo ni nangkona, moo ni manging ao taabo n takakaro a na bane n in.

10. Bobotaki ni kabane a bane ni katokaki.

11. Te nako n te onnaoraki ma kiriniki a kariaiakaki ni kaineti ma ana kainibaire te Botaki ibukin te Mauri ao Katoki Aoraki.

12. Mwamwanangaia kaibuke ao kiiba a bon kaukaki ibukin karokoan te bwaa, bwaai n aoraki ao kaako nako aonaba ri taari ao n te kibakiba ma akea bwatintia ae kariaiakaki. Bon ti bwatintia mai Tarawa ake a bae l aonnaba ae a na kariaiakaki n toka n oki nako Tarawa ma a na riai n ira naba nanon te kainibaire ibukin te mwamwananga.

13. E na toki te mwamwananga imarenaia abamwakoro nako.

14. A kabaeaki bureitiman ao ana taan mwakuri te Tautaeka ake a tia n mwiokoaki bwa a na tara nanon te Oota aio ao te tua ae te Public Health (Infectious Disease) Regulation ao te Disaster Risk Management and Climate Change Act ao babaire riki ake a na kaotinakoaki imwina ba e na bane n iraki nanoia irouia aomata.

15. Babaire riki tabeua irarikin aikai aika a katawe man kawaekoaki karaoakiia a na kona ni bon ti tuangaki naba bureitiman ao ana taan mwakuri te Tautaeka ake a mwiokoaki bwa a na karaoi nanoia ni kaineti ma taabo tabeua ke aomata ke mwakuri nako ao a mwaiti riki ake a noraki riaina ni karaoaki ibukin kakoroan nanon te Oota aio ma te tua ae te Public Health (Infectious Disease) Regulation ao te Disaster Risk Management and Climate Change Act ni kaineti ma te COVID-19.

16. Aki iran nanon te Order ma tuua aikai bon uruan te tua ao a na kona bureitiman ni katikiko ao ni kamatawarikiko. Ko na kona naba n anganaki te tua n te tai naba are ko urua nanon te Oota aio (spot fine) irouia bureitiman n te mwaiti ae \$100 are ko na kabwaka nakon te Aobiti ni Mwane I Bairiki inanon 14 te bong man te tai are ko anganaki iai te beba n tua aio bwa ngkana ko aki ao ko na uotaki nakon te kabowi ibukin am bure iaan te Oota aio. Ibukin buokan te matata ao uruan nanon kainibaire ake inanon te Public Health (Infectious Disease) Regulation bon te bure naba iaan te tua.

17. Ngkana iai te kaokoro ke te aki matata n te oota ae koreaki n te taetae n Kiribati aio ma te oota are koreaki ke n rairaki nakon te taetae n Imatang, ao e na riai n iraki nanon te oota are e koreaki n te taetae n Kiribati aio.

18. Te tua aio e kamaunai Lockdown oota ake a tia n karaoaki mai imwaina ni kaineti ma te Aoraki ae te COVID-19 ao e na moa bwainakina n 4 Beberuare 2022 n te aoa 6 n te ingabong ni ua 11 n Beberuare, 2022 n te aoa 6 n te ingabong.

Dated³.....February 2022



HE TANETI MAAMAU

TE BERETITENTI

Printed by exhibition at the Office of Te Beretitenti on³.....February 2022.



DR. NAOMI BIRIBO

SECRETARY TO THE CABINET